

К ОПУБЛИКОВАНИЮ

КОМИ РЕСПУБЛИКАЛӦН ОЛАНПАС

«Коми Республикаын гражданалысь дзоньвидзалун видзан юкӧнын ӧткымын юалӧм йылысь» Коми Республикаса Оланпасӧ вежсьӧм пыртӧм йылысь

Примитӧма Коми Республикаса
Каналан Сӧветӧн

2021 вося лӧддза-номъя тӧлысь 24 лунӧ

1 статья. Пыртны «Коми Республикаын гражданалысь дзоньвидзалун видзан юкӧнын ӧткымын юалӧм йылысь» Коми Республикаса Оланпасӧ (Коми Республикаса канму власьт органьяслӧн индӧд-тшӧктӧмьяс, 2007, 12 №, 5348 ст.; 2009, 11 №, 189 ст.; 2010, 24 №, 563 ст.; 2011, 14 №, 355 ст.; 2012, 7 №, 170 ст.; 2013, 11 №, 220 ст.; 32 №, 598 ст.; 37 №, 694 ст.; 2014, 13 №, 222 ст.; 2015, 21 №, 282 ст.; 2016, 21 №, 318 ст.; 2017, 21 №, 351 ст.; 2018, 4 №, 57 ст.; 63 ст.; 10 №, 168 ст.; 2019, 8 №, 102 ст.; 15 №, 219 ст.; 2020, 21 №, 347 ст.; 2021, 6 №, 115 ст.) татшӧм вежсьӧм:

содтыны татшӧм сюрӧса 5² статья:

**«5² статья. Россия Федерацияса субъектлы,
кӧні гражданинлы, кодӧс пасйӧма
Коми Республика мутасын оланін серти,
збыльвылас сетӧма медицина отсӧгсӧ,
медицинскӧя быть страхуйтан подув уджтасӧ
пырттӧм висьӧмьяс дырйи
медицина отсӧг да
паллиативнӧй медицина отсӧг сетӧмкӧд йитчӧм
ӧтувья рӧскод бергӧдан пӧрадок**

1. Коми Республика бергӧдӧ Россия Федерацияса субъектлы, кӧні гражданинлы, кодӧс пасйӧма Коми Республика мутасын оланін серти, збыльвылас сетӧма медицина отсӧг, медицинскӧя быть страхуйтан подув уджтасӧ пырттӧм висьӧмьяс дырйи медицина отсӧг да паллиативнӧй медицина отсӧг сетӧмкӧд йитчӧм ӧтувья рӧскодсӧ (водзӧ – гражданинлы медицина отсӧг сетӧмкӧд йитчӧм ӧтувья рӧскод).

2. Гражданинлы медицина отсӧг сетӧмкӧд йитчӧм ӧтувья рӧскодсӧ бергӧдӧны ыждаын, мыйта урчитӧма лӧсялана финансӧвӧй во вылӧ Коми Республика мутасын гражданалы дон босьттӧг медицина отсӧг сетан канму гарантияслӧн мутас уджтасӧн.

3. Гражданинлы медицина отсӧг сетӧмкӧд йитчӧм ӧтувья рӧскодсӧ бергӧдӧны Коми Республикаса республиканскӧй сьӧмкуд сьӧм тшӧт весьтӧ субсидияӧн Россия Федерацияса сьӧмкуд кодекслӧн 138³ статья серти

Коми Республикаса Веськӧдлан котырӧн кырымалан дӑнмукогса артмӧдчӧм подув вылын (водзӧ – артмӧдчӧм).

4. Артмӧдчӧмӧ пырӧ гражданинлы медицина отсӧг сетӧмкӧд йитчӧм ӧтувья рӧскод бергӧдан юалӧмсӧ кык боксянь ладмӧдӧм, сы лыдын субсидия сетан шӧр могъяс да условиеяс.

5. Артмӧдчӧм кырымалан пӧрадогыс урчитсьӧ Коми Республикаса Веськӧдлан котырӧн.».

2 статья. Тайӧ Оланпасыс вынсялӧ сійӧс официальной йӧзӧдӧмсянь дас лун кольӧм мысти.

Коми Республикаса Веськӧдлан котырлы примитны нормативной инӧда актъяс, кутшӧмъяс могмӧдӧны тайӧ Оланпас збыльмӧдӧмсӧ.

Коми Республикаса Юралыс

В.В. Уйба

Сыктывкар

2021 вося лӧддза-номъя тӧлысь 30 лун

45-РЗ №